

**“МОНГОЛЫН ИРГЭНИЙ АГААРЫН ТЭЭВЭР” /МИАТ/ ТӨХК-ИЙН
2024 ОНЫ ҮЙЛ АЖИЛЛАГААНД ХЯНАЛТ-ШИНЖИЛГЭЭ,
ҮНЭЛГЭЭ ХИЙСЭН АЖЛЫН ТОВЧ ТАЙЛАН**

2025.02.15

Нэг. Хяналт-шинжилгээ, үнэлгээний ажлын зорилго

“Монголын иргэний агаарын тээвэр” /МИАТ/ ТӨХК-ийн үйл ажиллагаанд хяналт-шинжилгээ хийж, үнэлэлт, дүгнэлт өгөх, цаашид анхаарч ажиллах асуудлын талаар санал, зөвлөмж боловсруулах замаар яамны удирдлага, албан тушаалтныг холбогдох мэдээллээр хангах зорилгоор энэхүү хяналт-шинжилгээ, үнэлгээний ажлыг гүйцэтгэлээ.

Төлөвлөсөн арга хэмжээнүүдийн хэрэгжилтийг дүгнэхдээ Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”, Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ыг үндэслэл болгосон.

Танилцуулга

МИАТ ТӨХК-ийн 2024 оны үйл ажиллагааг Гүйцэтгэлийн төлөвлөгөөний хэрэгжилт, Хууль тогтоомж, тогтоол шийдвэрийн биелэлт, Сайдын тушаалын биелэлт, Шилэн дансны хөтлөлт, Ил тод байдлын үнэлгээ гэсэн 5 үзүүлэлтээр дүгнэсэн бөгөөд нэгдсэн дүнгээр 92,9%-тай байна. /Хүснэгт 1/

Эдгээрийг тус тусад нь авч үзвэл:

2.1. МИАТ ТӨХК-ийн 2024 оны Гүйцэтгэлийн төлөвлөгөөнд тусгагдсан ажил, үйлчилгээний хэрэгжилтийн байдлыг доорх хүснэгтэд үзүүлэв.

Нийт заалт	Үүнээс						Хугацаа болоогүй	Биелэлтийн хувь
	100%	90%	70%	50%	30%	0%		
29	24	1	1	1	2	-	-	92,1%

2.2. Хууль тогтоомж, тогтоол шийдвэрийн хэрэгжилт:

Нийт заалт	Үүнээс					Хугацаа болоогүй	Биелэлтийн хувь
	100%	70%	30%	0%			
5	4	1	-	-	-	-	94%

2.3. Сайдын тушаалын хэрэгжилт:

Нийт заалт	Үүнээс					Биелэлтийн хувь
	100%	70%	30%	0%	Хугацаа болоогүй	
3	3	-	-	-	-	100%

2.4. Шилэн дансны хөтлөлтийн үнэлгээ:

Мэдээлэл	Нийт заалт	Үүнээс					Биелэлтийн хувь
		100%	70%	30%	0%	Хугацаа болоогүй	
Төсөв/гүйцэтгэл	6	4	2	-	-	-	90,0
хөрөнгө оруулалт, тендер, худалдан авалт	6	4	2	-	-	-	90,0
бусад	5	5	-	-	-	-	100,0
Нийт	17	13	4	-	-	-	92,9

2.5. Ил тод, нээлттэй байдлын шалгуур үзүүлэлтүүдийн үнэлгээ:

Мэдээлэл	Нийт заалт	Үүнээс					Биелэлтийн хувь
		100%	70%	30%	0%	хамаа ралгүй	
Нийт	46	30	1	3	-	12	92,9%

Үнэлэлт, дүгнэлт

1. Төлөвлөлтийн байдал:

МИАТ ТӨХК нь ХШҮДАГ-аас өгсөн зөвлөмжийн дагуу 2024 оны Гүйцэтгэлийн төлөвлөгөөний төслийг ЗТХЯ-ны Гүйцэтгэлийн төлөвлөгөөтэй уялдуулан боловсруулж, хүрэх түвшинг улирал бүрээр төлөвлөн Зам, тээврийн хөгжлийн яамны холбогдох газруудаар хянуулж, батлан ажилласан байна.

2. Хэрэгжилтийн байдал:

- 1) МИАТ ТӨХК-ийн 2024 оны үйл ажиллагааг Гүйцэтгэлийн төлөвлөгөөний хэрэгжилт, Хууль тогтоомж, тогтоол шийдвэрийн биелэлт, Сайдын тушаалын биелэлт, Шилэн дансны хөтлөлт, Ил тод байдлын үнэлгээ гэсэн 5 үзүүлэлтээр дүгнэсэн бөгөөд нэгдсэн дүнгээр 92,9% буюу эхний хагас жилээс 6.6%-аар өссөн дүнтэй байна.
- 2) Гүйцэтгэлийн төлөвлөгөөний 29 арга хэмжээнээс 86,2% нь хүрэх түвшиндээ хүрсэн буюу хүрч байгаа, 13,8% нь төлөвлөсөн түвшиндээ хүрээгүй байна.
- 3) МИАТ ТӨХК нь 2024 онд 1,225,100 зорчигч, 12,6 мян.тн ачаа, шуудан тээвэрлэхээр төлөвлөсөн бөгөөд 2024.12.31-ний өдрийн байдлаар олон улсын хуваарьт 11,

захиалгат 3 чиглэл, орон нутгийн хуваарьт 8, захиалгат 1 чиглэлд 4218 удаагийн нислэг үйлдэж, 1,155,100 зорчигч, 14,840 тонн ачаа тээвэрлэжээ.

- 4) 2024 оны хүлээгдэж буй гүйцэтгэлээр 942 тэрбум төгрөгийн орлого олж, 916 тэрбум төгрөгийн зардал гарган, 23 тэрбум төгрөгийн цэвэр ашигтай ажиллаж, 2024 оны зорилтот түвшинг 76,7%-тай биелүүлсэн байна.
- 5) 2024 онд МИАТ ТӨХК нь Олон Улсын Агаарын Тээврийн Холбоо /IATA/-ны аюулгүй ажиллагааны "IOSA" аудит шалгалт, газрын үйл ажиллагааны аюулгүй байдлын ISAGO аудит шалгалтуудад тус тус амжилттай шалгуулж, олон улсын стандарт, дүрэм, журамд нийцсэн аюулгүй ажиллагаатай тээвэрлэгч болохоо дахин баталсан байна. Мөн тасралтгүй 14,140 км хүртэл зайд нислэг үйлдэх хүчин чадалтай, 292 зорчигчийн суудалтай Боинг 787-9 /Dreamliner/, орон нутгийн чиглэлд нислэг үйлдэх 70 хүний суудалтай CRJ-700 маягийн агаарын хөлгийг хүлээн авчээ.

Санал, зөвлөмж

1. "Чингис хаан" ОУНБ-д Карго ачаа, шуудан дамжин өнгөрүүлэх терминалын барилга, газрын тусгай үйлчилгээний техник, тоног төхөөрөмж, автомашин байрлуулах гражийн барилга барих зэрэг бүрэн хэрэгжээгүй ажлуудыг 2025 оны төлөвлөгөөнд тусган удирдлага, зохион байгуулалтаар ханган ажиллах;
2. 2024 оны худалдан авах ажиллагааны төлөвлөгөөг яаралтай батлан 3 дугаар сард багтаан сонгон шалгаруулалтуудыг зохион байгуулах,
3. АНУ, БНХАУ-ын Эрээн хот руу шууд хуваарьт нислэг үйлдэх ажлыг эрчимжүүлэх;
4. Засгийн газрын 2022 оны 352 дугаар тогтоолоор батлагдсан "Нээлттэй мэдээллийг ил тод байлгах, болон ил тод байдлын шалгуур үзүүлэлт тогтоох, үнэлгээ хийх журам"-ын хавсралтаар Нээлттэй мэдээллийн ил тод байдлын үнэлгээг 5 хэсгийн 98 нээлттэй мэдээллээс өөрт хамаарах асуудлыг shilen.gov.mn сайтад тайлагнаж ажиллахаар шийдвэрлэсний дагуу тус сайтад бүртгүүлэн холбогдох мэдээллийг тогтоосон хугацаанд нь байршуулах;

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР